

"মিষ্টি বাচ্চারা -- তোমরা এখন জীবন্মুত হয়েছ তাই সবকিছু ভুলে যাও। এক বাবা যা শোনাচ্ছেন, তাই শোনো, আর বাবাকে স্মরণ করো, 'তোমার সঙ্গেই থাকবো আমরা'"

প্রশ্ন :- সঙ্গতি দাতা বাবা বাচ্চাদের সঙ্গতির জন্য কি শিক্ষা দেন ?

উত্তর :- বাবা বলেন - বাচ্চারা, তোমরা সঙ্গতিতে যাওয়ার জন্য অশরীরী হয়ে বাবা আর চক্রকে স্মরণ করো। যোগের দ্বারাই তোমরা চিরসুস্থ এবং নিরোগী হতে পারবে। তখন তোমাদের কোনো কর্মভোগের অনুতাপ করতে হবে না।

প্রশ্ন :- যাদের ভাগ্যে স্বর্গ সুখ নেই, তাদের নিদর্শন কি হবে ?

উত্তর :- তারা বলবে, জ্ঞান শোনার জন্য আমাদের কাছে সময় নেই। তারা কখনোই ব্রাহ্মণ কুলের সদস্য হতে পারবে না। তারা জানতেই পারবে না, ভগবানও যে কখনো কোনো রূপে আসেন।

গীত :- তোমার ডাক শুনতে মন যে চায়

ওম্ শান্তি। ভগবান বসে এখন ভক্তদের বোঝাচ্ছেন। ভক্ত হলো ভগবানের সন্তান। সকলেই তো ভক্ত, বাবা হলেন একজন। তাই বাচ্চারা চায়, একজন্ম অন্তত বাবার সঙ্গে থেকে দেখতে। বাচ্চারা দেবতাদের সঙ্গে অনেক জন্ম কাটিয়েছে। আসুরী সম্প্রদায়ের সঙ্গেও অনেক জন্ম কাটিয়েছে। এখন ভক্তদের মনে ইচ্ছে হয় -- এক জন্ম অন্তত ভগবানের হয়ে ভগবানের সঙ্গে থেকে দেখি। এখন তোমরা ভগবানের হয়েছো, তোমরা জীবন্মুত হয়েছো তাই ভগবানের সঙ্গেই থাকো। এই যে জীবন যা অমূল্য এবং অন্তিম জীবন, এই জীবনে তোমরা পরমপিতা পরমাত্মার সঙ্গেই থাকো। এই গায়নও আছে...তোমার কাছেই থাকো, তোমার সাথেই বসবো, তোমার কথাই শুনবো। যারা জীবন্মুত হতে পারে তাদের কাছে এই জন্ম হলো বাবার সাথে থাকা। এই এক জন্মই হলো উঁচুর থেকেও উঁচু জন্ম। বাবাও এই একবারই আসেন, আর তো তিনি কখনো আসতে পারেন না। তিনি এই একবারই এসে বাচ্চাদের সর্ব কামনা পূরণ করে দেন। ভক্তিমার্গে মানুষ অনেক কামনা করে থাকে। সাধু - সন্ত, মহাত্মা, দেবী-দেবতাদের থেকে অর্ধকল্প ধরে কামনা করতেই থাকে আর দ্বিতীয় হলো জপ, তপ, দান, পুণ্য ইত্যাদিও জন্ম - জন্ম ধরে করে আসছে। মানুষ কতো শাস্ত্রপাঠ করে। অনেক ধরনের শাস্ত্র, ম্যাগাজিন তৈরী করতেও তারা পরিশ্রান্ত হয় না। তারা ভাবে এইভাবেই বোধহয় ভগবানকে পাওয়া যাবে, কিন্তু বাবা এখন নিজেই জানাচ্ছেন -- তোমরা জন্ম - জন্মান্তর ধরে যা কিছু পড়ে এসেছো, এতে কোনো বড়কিছু প্রাপ্তি হয় না। বই তো অনেকই আছে। খৃস্টানরাও তো অনেককিছু শেখে। তারা অনেক ভাষায় অনেক কিছুই লেখে। মানুষ তো পড়তেই থাকে। এখন বাবা বলছেন, যা কিছুই পড়েছো সব ভুলে যাও অথবা বুদ্ধির দ্বারা বুঝতে শেখো। মানুষ অনেক বই পড়ে। বইয়ে থাকে অমুকে ভগবান, অমুকে অবতার। এখন বাবা বলছেন, আমি নিজেই আসি, তাই যারা আমার হতে চায়, আমি তাদের বলি তোমরা এই সবকিছু ভুলে যাও। সারা দুনিয়ার আর তোমাদের বুদ্ধিতে যে বিষয় ছিলো না, তাই এখন আমি তোমাদের শোনাচ্ছি। এখন তোমরা বাচ্চারা বুঝতে পারো, বরাবর বাবা যা বোঝান তা কোনো শাস্ত্র আদিতে নেই। বাবা অনেক গুহ্য এবং আমোদজনক কথা শোনান

। তিনি তোমাদের এই নাটকের আদি - মধ্য - অন্ত, রচয়িতা এবং রচনার সমস্ত খবর শোনান । তাও তিনি বলেন, তোমরা যদি অনেককিছু মনে রাখতে নাও পারো, কেবল দুটো অক্ষর স্মরণ করো - মনমনাভব, মধ্যাজী ভব । এই অক্ষর তো ভক্তিমার্গের গীতার, কিন্তু বাবা এর অর্থ খুব ভালোভাবে বুঝিয়ে বলেন । ভগবান তো সহজ রাজযোগ শিখিয়েছেন, তিনি বলেনতোমরা কেবল "বাবাকে" স্মরণ করো । ভক্তিতেও তো তোমরা অনেক স্মরণ করতে । মানুষ এই গান গেয়েও থাকেদুঃখে সবাই স্মরণ করেতবুও কিছুই বোঝে না । তাহলে অবশ্যই সত্যযুগ আর ত্রেতায় সুখের দুনিয়া ছিলো তাই তখন কেন স্মরণ করবে ? এখন এই মায়ার রাজ্যে মানুষের দুঃখ হয় তাই বাবাকে স্মরণ করতে হয় আর সত্যযুগের অথৈ সুখও স্মরণে আসে । সেই সুখের দুনিয়ায় তারাই ছিলো যারা সংগম যুগে বাবার থেকে রাজযোগ আর জ্ঞান শিখেছিলো । বাচ্চাদের মধ্যে অনেকেরই শিক্ষা নেই । তাদের জন্য তো আরো ভালো, কেননা বুদ্ধি অন্য কোথাও যাবে না । ওখানে তো কেবল চুপ করেই থাকতে হবে । মুখেও কিছু বলতে হবে না । কেবল বাবাকে স্মরণ করতে থাকো তাহলেই বিকর্ম বিনাশ হবে । তারপর আমি সঙ্গে করে নিয়ে যাবো । এই কথা কিছু কিছু গীতাতে আছে । প্রাচীন ভারতের ধর্মশাস্ত্র একটাই । এই ভারতই একদিন নতুন ছিলো, এখন পুরানো হয়েছে । শাস্ত্র তো একটাই হওয়া উচিত । যেমন বাইবেল একটাই, যখন থেকে খৃস্টান ধর্ম স্থাপন হয়েছে, প্রথম থেকে শেষ অবধি একটাই শাস্ত্র । তারা ক্রাইস্টেরও অনেক মহিমা করে । তারা বলে, উনি শান্তি স্থাপন করেছিলেন । তিনি এসে তো খৃস্টান ধর্মের স্থাপন করেছিলেন, তাতে শান্তির তো কথাই নেই । যারাই আসে তাদের মহিমা করে কারণ নিজেদের মহিমা তো ভুলেই গেছে । বৌদ্ধ, খ্রিস্টান ইত্যাদি নিজের ধর্ম ছেড়ে অন্যের মহিমা করবে না । ভারতবাসীদের নিজেদের ধর্ম তো এখন নেইই । এও এই নাটকেই লিপিবদ্ধ আছে । যখন সকলে সম্পূর্ণ নাস্তিক হয়ে যায় তখনই আবার বাবা আসেন । বাবা বোঝান, বাচ্চারা স্কুল ইত্যাদিতেও যে বই পড়ানো হয় তাতেও তো কোনো উদ্দেশ্য বা লক্ষ্য থাকে । এর লাভ হলো এর থেকে অর্থ রোজগার হয় । উঁচু পদও পাওয়া যায় । বাকি শাস্ত্র ইত্যাদি যা মানুষ পড়ে, তাকে তো অন্ধশ্রদ্ধা বলা হয় । পড়াকে কখনোই অন্ধশ্রদ্ধা বলা হয় না । এমন নয় যে অন্ধশ্রদ্ধায় পড়ে । পড়াশোনা করেই মানুষ ব্যরিস্টার, ইঞ্জিনিয়ার হয়, তাকে কিভাবে অন্ধশ্রদ্ধা বলা যাবে । এও এক পাঠশালা । এ কোনো সংসঙ্গ নয় । এখানে লেখা আছে ঈশ্বরীয় বিশ্ববিদ্যালয় । তাই বোঝা উচিত অবশ্যই ঈশ্বরের কোনো অনেক বড় বিদ্যালয় হবে । তাও এই বিশ্বের জন্য । সকলকে এই সন্দেশও জানাতে হবে যে দেহ সহিত দেহের সব ধর্ম ছেড়ে নিজের স্বধর্মে অবস্থান করো, এরপর নিজের বাবাকে স্মরণ করো তাহলেই অন্ত মতি, সেই গতি হয়ে যাবে । নিজের চার্ট লিখতে হবে, কত সময় আমি যোগে থাকি । এমন নয় যে প্রত্যেকেই রোজ চার্ট লিখবে । না, অনেকেই ক্লান্ত হয়ে যায় । বাস্তবে কি করতে হবে ? রোজ নিজের মুখ আয়নায় দেখতে হবে তাহলেই বুঝতে পারবে, আমরা লক্ষ্মী বা সীতার তুল্য হয়েছি কি নাকি প্রজাতে চলে যাবো ? পুরুষার্থ তীর্থ করানোর জন্য চার্ট লেখার কথা বলা হয়, আর তোমরা দেখতেও পারো, আমরা কতো সময় শিববাবাকে স্মরণ করি ? সমস্ত দিনচর্যা এই চার্টে সামনে এসে যায় । যেমন ছোটবেলা থেকে আমাদের জীবনের সমস্ত ঘটনা তো মনে থাকে । তাহলে একদিনের কথা মনে থাকবে না কি ? দেখতে হবে আমরা শিববাবা আর চক্রকে কতো সময় স্মরণ করি ? এমন অভ্যাস করলে রুদ্র মালার দৌড়ে এগিয়ে গিয়ে বাবার গলার মালায় স্থান পাবে । এ হলো যোগের যাত্রা, যা অন্য কেউ জানে না তাহলে কিভাবে শেখাবে । তোমরা জানো যে এখন বাবার কাছে ফিরে যেতে হবে । বাবার আশীর্বাদী বর্ষা হলো রাজসুখ তাই এর নাম রাখা হয়েছে রাজযোগ ।

তোমরা সকলেই রাজাঋষি । দুনিয়ায় হলো হঠযোগী ঋষি । তারাও পবিত্র থাকে । রাজস্বে তো রাজা - রানী - প্রজা সবই প্রয়োজন । সন্ন্যাসীদের মধ্যে তো রাজা - রানী নেই । ওদের হলো হদের বৈরাগ্য, তোমাদের হলো বেহদের বৈরাগ্য । তারা গৃহত্যাগ করেও এই বিকারী দুনিয়াতেই থাকে । আর তোমাদের জন্য তো এই দুনিয়ার পরে স্বর্গের রাজস্ব, দৈবী বাগান । তাই ওই কথায় তোমাদের স্মরণে আসবে । এই কথা তোমরা বাচ্চারা বুদ্ধিতে রাখতে পারো । অনেকেই আছে, যারা চার্টও লিখতে পারে না । চলতে চলতে ক্লান্ত হয়ে পড়ে । বাবা বলেন -- বাচ্চারা, নিজের কাছে নোট করো, কত সময় অতি প্রিয় বাবাকে স্মরণ করেছো ? যেই বাবাকে স্মরণ করেই আশীর্বাদী বর্ষা নিতে হবে । রাজস্বের বর্ষা যখন নিতে হবে তখন প্রজা তো বানাতেই হবে । বাবা যখন স্বর্গের রচয়িতা তখন তাঁর থেকে কেন স্বর্গের বর্ষা পাবো না । অনেকেই আছে যারা স্বর্গের বর্ষা পেয়ে থাকে । বাকিরা শান্তি পায় । বাবা সকলকেই বলেন, বাচ্চারা, দেহ সহিত দেহের সর্ব সম্বন্ধকে ভুলে যাও । তোমরা অশরীরী এসেছিলে, ৮৪ জন্ম ভোগ করেছো, এখন আবার অশরীরী হও । খৃস্টান ধর্মের লোকেদেরও বলা হবে, তোমরা ক্রাইস্টের পিছনে এসেছো । তোমরাও অশরীরী অবস্থায় এসেছিলে, এখানে শরীর ধারণ করে অভিনয় করেছো, এখন তোমাদের পার্টও সম্পূর্ণ হয়ে এসেছে । কলিযুগের অন্তিম সময় এসে গেছে । এখন তোমরা বাবাকে স্মরণ করো, মুক্তিধামের অধিবাসীরা শুনে খুব খুশী হবে । তারা তো মুক্তিই চায় । তারা মনে করে জীবনমুক্তি (সুখ) পেয়ে আবার তো দুঃখেই আসতে হবে, এরথেকে তো মুক্তি ভালো । তারা এই কথা জানে না যে সুখ তো অনেক । আমরা আত্মারা পরমধামে বাবার সাথেই থাকি । কিন্তু এখন আমরা পরমধামকে ভুলে গেছি । বলা হয়, বাবা এসেই সমস্ত দেবদূতদের পার্ঠান । বাস্তবে কাউকেই পার্ঠানো হয় না । এই সম্পূর্ণ নাটক বানানোই আছে । আমরা তো এই সম্পূর্ণ নাটককে জেনেই গেছি । বাচ্চারা, তোমাদের বুদ্ধিতে বাবা আর এই চক্র স্মরণ আছে, তাই তোমরা চক্রবর্তী রাজা অবশ্যই হবে । মানুষ তো বুঝতে পারে, এখানে দুঃখ অনেক, তাই মুক্তি চায় । এই দুটি অক্ষর 'গতি' এবং 'সঙ্গতি' তো চলেই আসছে । কিন্তু এর অর্থ কেউই জানে না । তোমরা বাচ্চারা জানো, সকলের সঙ্গতিদাতা এক বাবাই, বাকি সবাই পতিত । সম্পূর্ণ দুনিয়াই এখন পতিত । এই অক্ষর শুনেও কেউ কেউ বিগড়ে যায় । বাবা বলেন, এই শরীরকে ভুলে যাও । তোমাদের আমি অশরীরী পার্ঠিয়েছিলাম । এখনো অশরীরী হয়েই আমার সাথে যেতে হবে । একেই জ্ঞান অথবা শিক্ষা বলা হয় । এই শিক্ষার দ্বারাই সঙ্গতি হয় । যোগের দ্বারাই তোমরা চিরসুস্থ হতে পারো । তোমরা সত্যযুগে অত্যন্ত সুখী ছিলে । সেখানে কোনো জিনিসের অভাব ছিলো না । দুঃখ দেওয়ার মতো কোনো বিকারও থাকে না । মোহজীত রাজার কাহিনী শোনানো হয় । বাবা বলেন, আমি তোমাদের এমন কর্ম শেখাই যে তোমাদের কর্মদোষ ভোগ করতে হয় না । সেখানে এমন ঠান্ডাও থাকবে না । এখন তো এই পাঁচ তত্ত্বও তমোপ্রধান । কখনো বেশী গরম কখনো আবার বেশী ঠান্ডা । সেখানে এমন আবহাওয়া থাকবে না । সেখানে সর্বদাই থাকবে বসন্ত ঋতু । প্রকৃতি থাকে সতোপ্রধান । এখন এই প্রকৃতি হলো তমোপ্রধান । তাহলে ভালো মানুষ কি করে থাকবে । ভারতের অনেক বড় মানুষ, নেতারা সন্ন্যাসীদের পিছনে ঘুরতে থাকে । তাদের কাছে যখন তারা যায়, তারা বলে আমাদের সময় নেই । এতে বোঝা যায়, তাদের ভাগ্যে স্বর্গের সুখ নেই । এরা ব্রাহ্মণ কুলের সদস্য নয়, এরা জানেই না, ভগবান কিভাবে আর কখন আসেন । শিব জয়ন্তী সকলেই পালন করে কিন্তু শিবকে সকলে ভগবান বুঝতে পারে না । যদি তাঁকে পরমপিতা পরমাত্মা মনে করতো, তাহলে শিব জয়ন্তীকে ছুটির দিন পালন করতো । বাবা বলেন, আমার জন্মও এই এই ভারতেই হয় । শিব মন্দিরও এখানেই আছে । অবশ্যই তিনি কারোর শরীরে প্রবেশ করবেন । শাস্ত্রে দেখানো হয়েছে দক্ষ প্রজাপতি যজ্ঞ রচনা করেছিলেন । তাহলে কি তিনি এসেছিলেন ? এমনও হয় না । কৃষ্ণ তো থাকে সত্যযুগে । বাবা নিজেই

বলেন, আমাকে ব্রহ্মা মুখ দ্বারাই ব্রাহ্মণ বংশাবলী রচনা করতে হবে। এও তোমরা কাউকে বোঝাতে পারো, বাবা কতো সহজভাবে বোঝান, কেবল আমাকে স্মরণ করো। কিন্তু মায়া এতোই প্রবল যে স্মরণ করতেই দেয় না। অর্ধেক কল্পই হলো শত্রু। এই শত্রুকেই তো জয় করতে হবে। ভক্তিতে মানুষ ঠান্ডার সময় স্নানে যায়। কতো ধাক্কা খায়। কতো দুঃখ সহ্য করে। এ তো পাঠশালা, এখানে সবাই পড়তে আসে, এখানে ধাক্কা খাওয়ার কোনো কথাই নেই। এই পাঠশালায় অন্ধ বিশ্বাসের কোনো কথাই নেই। মানুষ তো অনেক অন্ধ বিশ্বাসে ফেঁসে রয়েছে। তারা কত গুরু ইত্যাদি করে। কিন্তু মানুষ তো কোনো মানুষের সঙ্গতি করতে পারে না। যারা মানুষকে গুরু বানায়, তারা তো অন্ধ বিশ্বাসে আছে। আজকাল অনেকেই ছোটো বাচ্চাদেরও গুরু বানায়। না হলে নিয়ম তো বানপ্রস্থে গুরু করার। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত।
রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) ভীর পুরুষার্থের জন্য স্মরণের চার্ট অবশ্যই রাখতে হবে। রোজ আয়নায় নিজের মুখ দেখতে হবে। চেক করতে হবে - আমি আমার অতি প্রিয় বাবাকে কত সময় স্মরণ করি।

২) যা কিছু পড়া আছে তা ভুলে, চুপ থাকতে হবে। মুখে কিছুই বলবে না। বাবার স্মরণে বিকর্ম বিনাশ করতে হবে।

বরদান :- ব্রহ্মাবাবার সাথে প্রতি পদে চলে হৃদকে বেহদে এক করে নিয়ে বেহদের বাদশাহ হও

ফলো ফাদার করার অর্থ 'আমি'-কে 'তুমি' তে অন্তর্লীন করা, হৃদকে বেহদে অন্তর্লীন করা, এখন এই প্রতি পদে চলার আবশ্যিকতা আছে। সবার সংকল্প, বাণী এবং সেবার বিধি হলো বেহদের অনুভব। স্ব - পরিবর্তনের জন্য হৃদকে সর্ববংশ সহিত সমাপ্ত করো। যাকেই দেখো বা যেই তোমাদের দেখুক - বেহদের বাদশাহের নেশা যেন অনুভব হয়। সেবা হলেও বা সেন্টার হলেও হৃদের নাম - নিশান না থাকলেই তখন বিশ্বের রাজত্বের আসন প্রাপ্ত হবে।

স্লোগান :- নিজের চিন্তাধারাকে রাজকীয় বানিয়ে নাও, ছোটো ছোটো বিষয়ে সময় নষ্ট হবে না।